

Foto Dottorjano, matrice vorrando di Pto.

autm.

K

DE VITA
LIVII ANDRONICI
DISSERTATIO.

—
Q U A M
AUCTORITATE
AMPLISSIMI PHILOSOPHORUM ORDINIS

UNIVERSITATE LITERARUM CAESAREA
DORPATENS!


A D
GRADUM MAGISTRI AA. LL. RITE IMPETRANDUM
SCRIPTAM
PUBLICE DEFENDET
ALEXANDER LUDOVIC. DÖLLEN.

CAND. PHIL., LINGUÆ GERMANICÆ PRÆCEPTOR
PRIMARIUS IN GYMNASIO RIGENSI

DORPATI LIVONORUM.

TYPIS J. C. SCHUENMANNI,
TYPOGRAPHI ACADEMICI.

MDCCCXXXVIII.



I M P R I M A T U R

ea condicione, ut quinque exempla collegio libris exploran-
dis praeposito tradantur.

A. BUNGE, Decanus.

Dorpati d. 25 Sextil. 1838.

263130

PATRI OPTIMO
CAROLO AUGUSTO DÖLLEN

E T

PATRUO DILECTISSIMO
GUSTAVO FRIDERICO DÖLLEN,
RERUM SACRARUM ANTISTITI ET A SACRIS REGIS
ORATORI REGIO-WÜSTERHUSAE

HASCE STUDIORUM PRIMITIAS
PIO GRATOQUE ANIMO

D. D. D.

AUCTOR.



Lecturis.

Literatura quum totius populi ex indole, mente et ingenio neque tantum singulorum, qui de literis provehendis optime meruerint, virorum studiis nascatur, proveniat et floreat; de his ubi quaerere volumus diligentius, non debemus nobis videri satisfecisse, si de vita eorum et de scriptis quum iis, quae tulerint aetatem, tum iis, quae casu quodam interciderint, bene disputaverimus; sed erit etiam exponendum, quantam quisque vim habuerit ad popularium suorum mentes animosque excolendos. Hinc de Livio Andronico scripturus si in initio libelli nonnulla de Romani populi indole et de literarum apud eum primordiis disserui, eo minus mihi visus sum laterem lavare, quo magis ipsa harum rerum cognitio desideratur in ejus poëtae meritis aestimandis, quem omnium antiquissimum inter Romanos existisse constat. Tali modo satis excusatus apud eos, qui uberioris et fusiis, quo loco minime id liceret, de primis Romanorum in re literaria conatibus me disputasse exprobrent, graviorem fortasse prævertam vituperationem eorum, quibus haud scio an summa in re defecisse videar, quippe qui

de scriptore vetere me disputaturum professus
ne verbo quidem attigerim, quas maxime in
discepcionem cadant, ejus scripta. At prior
rem tantum hanc esse volui disquisitionum Li
vianarum partem, alteram, quam primum plus
otii nactus ero, in lucem edere cogito. Sin
autem in re tenui et dubia inconsideratus quid
quam parcius dictum fuerit, communis omnium
fere in scribendo tironum vitio excusatum
id volo. Scripti Despati mente Sextili anni
MDCCCXXXVIII.

De
vita Livii Andronici.

Arnis et fortitudine diu ante Roma inclaruit, quam literis et bonis artibus; neque id magnopere mirabitur, qui originem Urbis consideraverit, mediae conditae inter tot gentes, quibuscum innumera bella novae civitati gerenda erant. Solum ante omnia expugnandum erat, in quo Musae essent habitaturae, neque opes suppeterent, quibus laetum iis et tranquillum domicilium pararetur. Sic factum est, ut fere barbari etiam civitas Romana esset, cum jam Ptolemaeus Philadelphus ei de Pyrrho ex Italia expulso gratularetur. Et tantum aberat, ut Romani, qui victoriis, fere semper de hostibus reportatis, elati finium profereundorum cupidi facti erant, negotia pacis et studia literarum desiderarent, ut ea, sola excepta agricultura, quam maximi semper aestimabant, tamquam mollia et omnem fortitudinem eximentia repudiarent, atque etiam perniciosa existimarent, id tantum curantes, ut boui cives, fortes milites et strenui agricolae educarentur. Sola eloquentia illo tempore erat aliquo numero et honore, quod genus literarum apud Graecos fere ultimum ad perfectionem venit; quae quidem res, quamvis videntur mira, optime expli-

cari potest ex ipsa populi Romani indole, longe alia atque ejus gentis, abs qua originem sese duxisse Romani tam libenter profitentur. Nam civis Romanus omnem vitam suam civitati subjeciebat, nec quidquam magni aestimabat, nisi quod ad civitatem amplificandam valeret. Cum hac vitae institutione conjuncta erat summa pietas, quae rursus eum cogebat, ut quantum maxime posset ad exsplendum, quo Romae imperium mundi praesagiebatur, fatum conferret, idque non solum ad mores, sed ad literarum etiam studia, quae non ex desiderato majore animi cultu oriebantur, sed unice rebus forensibus et ad civitatem spectantibus inserriebant, plurimum valuisse, facile potest intelligi. Hinc etiam historiam et poësin, quarum tum parva admodum et tenuia erant initia, nisi Romae gloria et majorum praeclare facta iis celebrarentur, non multum apud veteres Romanos habuisse dignitatis audimus. Sed inter Romanorum virtutes erant etiam constantia, summa vitae severitas et prudentia, et licet non gauderent beata ingenii et cogitationum ubertate, tamen non omni sensu pulchri et boni destituti erant, ut tantum ipsi talia minus felici suo ingenio procreare non possent. Quae igitur ad vitae usum necessaria videbautur, facile ipsi et inveniebant et excolebant, quae vero ad vitae jucunditatem pertinebant, ea ab aliis sibi populis affterri patiebantur. Sic Graecus homo Romanam primus poësin magis excoluit, Livius Andronicus, quem primum omnes uno ore vocant poëtam Romanum. Et jure; quae enim ante eum contexta erant carmina, vix certi cuiusdam auctoris haberi poterant, et maximam partem in saturas referenda sunt; itaque Andronicus in ipsis duarum aetatum confiniis est constitutus, quarum prior a doctis viris tamquam pueritia linguae latinae et literarum designatur, altera comparatur cum humani aevi adolescentia.

Jam qualis lingua latina fuerit ante Livium, si quis alius, J. N. Funecius docuit in tractatu de pueritia linguae latinae, quo in libro ejus aetatis monumenta literata explicata sunt, ita ut facile inde appareat, Livium linguam admodum rudem et balbutientem accepisse poliendam et excolendam.

Non meliore loco erant literarum apud Romanos initia. Sub regibus vix ulla earum vestigia animadvertisimus. Multos mores multasque institutiones praecipue in sacris adornandis Romani ab Etruscis, tum temporis multo melius exultis, assumperant, et in Etruriam futuri augures et sacerdotes mittebantur. Tarquinii praecipue, et ipsi ex Etruria oriundi, artificibus inde accitis, quorum opera ingentia aedificia exstruenda curabant, magis Romanos sensu pulchri et venusti imbuiebant. Mox etiam Graecae in Italia inferiore coloniae, in dies magis florentes, et Graecos mores Graecasque artes Italine rudi inferentes, aliquos saltem suae lucis radios in medium usque Italiam mittebant, quorum tamen vis illustrandi et erudiendi tum demum paulo gravius poterat persentiri, ex quo Magna Graecia et Sicilia a Romanis devictae jam erant. Inde multi viri docti Romanam veniebant, qui ad studium et amorem literarum Romanos incitabant, et nominatim post Tarentum expugnatum prima vestigia paulo doctioris juventutem educandi rationis invenimus, idque maximam partem per servos bello captos, unde Horatius in epistolis II, 1, 156 ita :

„Graecia capta ferum victorem cepit et artes Iutulit agresti Latio.“

Expleta demum, ut videbatur, aliquot annis post totius Italiae expugnandae cupidine, gratas Romani Musas recipiebant, qui literarum bonarumque artium amor augebatur etiam, cum quatuor et quadraginta annis post illam Tarenti expugnationem ludis

Isthmiis interesse iis licet (primum anno a. Chr. u. 228).

Quicunque populus divinum quoddam numen esse sentit, amorem suum et metum, preces et gratias et quae sunt generis ejusdem, in quibus cernitur veneratio deorum, poëtice exprimere solet. Ejusmodi carmina, ad deorum cultum spectantia, omnibus populis fuerunt initium poësis. Sic Romanorum antiquissima poëmata erant carmina fratrum arvalium et Saliorum. In supplicationibus pueri et puellae alternis cantabant et simili modo in messibus peragendis, in noctis ineundis, ut paucis dicam, in omnibus festis versus jactabantur. Vota, preces, augurum vaticinationes, pacis condiciones, omnia haec et fortasse etiam libri fatales saltem ex parte versibus, licet admodum rudibus, compositi erant. Ut vero carminibus Saliorum non deorum solum dearumque laudes celebrabantur, sed etiam gloria Romae, nuper conditae, et heroum veterum res gestae, quibus corporis vires et fortitudinem ostenderant (axamenta), sic etiam carmina extabant, quae tota versabantur in clarorum viorum laudibus efferendis, et in epulis decantabantur vel a convivis vel a pueris ob id ipsum accitis. Ejusdem fere argumenti erant neniae, quae tamen rei longe alii inserviebant. Sed omnia haec poëmata perquam aspera et dura saturnio numero composita erant et originem duxisse dicuntur ex Etruria vel, quod non aequre probaverim, ex Magna Graecia. Neque Romanis antiquissimis deerant carmina jocosa, inter quae referenda sunt etiam carmina militum in triumphatores. Notissimi hoc in genere sunt Fe- scennini, quorum faciendorum ansam praebebant illa vitae rusticanae festa, quibus rusticci, alternis versibus opprobria fundentes, alter alterum cantando opprimere studebant. Incondita haec carmina rure max Romam venerunt, ibique quum plebis, ut solet, lascivia degenerassent, lege decemvirorum coer-

cebantur, ita ut postea tantum nuptiis celebrandis adhiberentur. Simili modo apud Graecos orta est ars scenica, eujus apud Romanos verum initium factum est demem anno a. Chr. n. 364, C. Sulpicio Petico, C. Licinio Calvo Stolone eos., quibus consulibus, cum nullo modo levari posset pestilentia, iudiones ex Etruria arecessiti sunt, qui coelestem iram placarent. Hi, ut Livii verba mea faciam, sine carmine ullo, sine imitandorum carminum actu ad tibicinis modos saltantes, haud indecoros motus more Tusco dabant. Romani juvenes eos imitabantur, simul inconditos versus pronunciantes, quorum sententias motu et saltatione exprimebant; mox vero negotium hoc relictum est histriobus et ipsa Romana juventus fabulis Atellauis delectari coepit, quae tamen, ut sere omnia hujus aetatis poemata, non literis ante conscriptae, sed, ut ipsa res ferebat, ex tempore factae nisi memoria non servabantur, donec Sallae denum temporibus L. Pomponius Bononiensis et Q. Novius scribentem etiam Atellanis cooperunt. Ad historiae Romanae primordia praeter annales maximos, commentaris regum, libros linteos et monumenta gentilicia referri etiam possunt libri augurales et commentarii pontificum, eonsulum, censorum, praetorum aliorumque magistratum. Maximo vero his temporibus Romani excellebant eloquentia et jurisprudentia, quarum illa praesertim post reges expulsos continuis inter plebem et patricios discordiis et contentionibus alebatur, haec ex ipsa vitae communis institutione et usu orta adeo omnibus aliis studiis praeferebatur, ut soli jurisperiti appellarentur prudentes. —

Haec sunt, quae dicenda mihi videbantur de literarum apud Romanos exordiis. Sed statim post finem belli Punici primi (i. e. post annum a. Chr. n. 241) laetiora literis Romanis tempora venerunt. Nam praeter majorem, qua ex eo inde tempore Ro-

mani utebantur, cum Graecis consuetudinibus primus etiam ipso post finitum illud bellum anno poëta Romanus exstitit, Livius Andronicus, quem plures mox secuti sunt poëtae, alius alio praestantiores. (1) Hinc jure a Livio Audronico prima incipit literarum Romanarum aetas, quo non vetustiorem ullum fuisse poëtam Romanum, omnes consentiunt veteres scriptores, quorum ex multis testimoniorum (2) sat erit attulisse Ciceronem in Bruto XVIII, 72. seq. Livium hist. VII, 2. Valer. Maximum II, 4, 4. et Gellium noct. Att. XVII, 21. (3) Maxime ipso hoc, quem inter poëtas Lí-

1) Potest facili negotio hoc demonstrari de Livio Andronico, Cu. Naevio, Q. Ennio, M. Pacuvio et L. Attio. Ut enim Naevius vincit Andronicum, ita ipse ab Ennio superatur, quem rursus in tragœdiis scribendis non negabitis cedere Pacuvio, eiusque aequali, quinquaginta annis minori, Attio.

2) Quae collecta existant in Petri Servitii collectaneis veterum tragicorum, eorumque fragmentis, ed. Lugduni Batav. 1620, et in Fr. Bothii poëtis scenicis Latinorum, ed. Halberstadtii 1823. 8. Tom. V. part. I. p. 1 — 6.

3) Non potest hujus rei testis advocari Quintilianus Inst. Orat. X, 2, 7, quod tamen viros doctissimos fugisse videtur, ut J. N. Funcicum in tractatu de adolescentia linguae latine, ed. Marb. Catt. 1723, p. 61. — G. E. Müllerum in opere inscripto: „Historisch kritische Einleitung zur Kenntniss der alten lateinischen Schriftsteller I. Theil Dresden. 1747.“ p. 223. — Schöllium in brevi literarum Romanarum historia francogallice scripta (ed. Parisiis 1815) Tom. I. p. 107. s. fin. — Fr. Osannum in analectis criticis, poësis Romanorum scenicae reliquias illustrantibus, ed. Berolini 1816. p. 9. med. — Laurent. Santenium ad Terentianum Maurum (ed. Traj. ad Rhen. 1825) p. 232; — denique M. Aug. Weichertum in poëtarum latinorum Hostii, Laevii, C. Lici-nii Calvi, C. Helvii Cinnae, C. Valgii Rusi, Domitii Marsi aliquorunque vitiis et carminum reliquiis editis Lipsiae anno 1830. p. 28. Lapsi sunt omnes illi viri docti, et qui atii ita laudarunt hunc locum. Non enim integrum Quintilianii locum attulerunt, neque ipsum Quintilianum evolvisse, sed alter alterum exscripsisse videntur; quamquam maxima videtur culpa ejus, qui primus hoc loco abusus est. Longe aliam

vius tenet, loco aetate primo factum est, ut fere nihil de ejus vita et scriptis habeamus compertum. Idem enim Romanorum poësi antiquissimae et Livo poëtae evenit, quod solet plurimis rebus earumque auctoribus evenire. Dum nascuntur res et sensim proveniunt, nullus neque ipsis neque earum auctoribus habetur honor, cuius quidem negligentiae causa proxima est ipsa rerum modo nascentium natura, quarum non statim perspicitur utilitas, et quae iude concipi possit voluptas. Ubi vero ad laetam jam venerunt perfectionem, qui melius aestimare eas didicerunt, nihil minus curant, quam tenue illarum initium earumque auctores, quorum licet de perficiendis rebus non magna fuerint merita, tamen ea manet laus, quod posteris ad altiora primi aperuerunt viam. Sic Livii Andronicci de poësi et literis Romanis merita neque aequales neque posteri satis agnoscabant, quorum illi memoria scriptaque ejus posteris tradenda non magnopere curabant, bi satis jam sese ei tribuisse honoris putabant, si primam ejus opera et studio Romae actam esse fabulam docuissent. (4) Hunc

Quintilianus l. c. esse sententiam, qui ipsum Quintilianum inspexerit, nemo non videbit. Leguntur ibi haec: „Turpe etiam illud est, contentum esse id consequi, quod imiteris. Nam rursus, quid erat futurum, si nemo plus effecisset eo, quem sequebatur? Nihil in poëtis supra Livium Andronicum; nihil in Historiis supra Pontificum annales haberemus; ratibus adhuc navigaremus; non esset pictura, nisi quae lineas modo extremas umbrae, quam corpora in sole fecissent, circumscriberet.“ Manifesto Quintilianus hoc dicit: Si nemo plus effecisset, quam is, quem sequebatur, non meliorrem poëtam haberemus, quam Livium Andronicum, neque historias pulchiores, quam pontificum annales.

4) Cf. Fr. Osannum in anal. crit. Is in capite primo, quod totum est de Livii Andronicci vita, statim ab initio commendationis per plures paginas disserit de causis, quibus factum sit, „ut scriptoris, qui ad provehendam latinam poësin

vero honorem, quamvis minimum, nemo ei denegasse videtur, quisquis veterum scriptorum data opera egit de literarum Romanarum principiis, quod quidem facili negotio ex iisdem locis puto demonstrari posse, quibus supra usus sum testimoniis ad vindicandum suum Livio inter poëtas Romanos locum tempore primum. Illi enim loci sunt etiam primarii omnino de antiquissima Romanorum poësi scenica. Hinc licet summa in re, non magni Livium aestimatum esse neque ab aequalibus neque a posteris, libenter assentiat Osanno, tamen non ausim dicere cum eo p. 2 sub fine, ubi de principibus Romanae tragœdiae et comœdiae apud veteres sermo sit, eum a quo omne poësis latinae principium pependerit (Livium Andronicum) ne nomine quidem laudari. Saltem quos veterum scriptorum locos ad hanc sententiam probandam Osannus advocat, ii nihil ejusmodi demonstrant. Nam Cicero, cuius duos locos assert ad tragœdiam spectantes, de fin. I, 2 et Academ. I, 3, 10, utroque loco non de omnibus, qui unquam extiterint tragœdiarum poëtis loquitur, sed tantum de optimarum fabularum scriptoribus. Laudat (de fin. I, 2) Ennii Medeam et Pacuvii Antiopam, quibuscum certe Livii tragœdias non poterat comparare, et eandem ob causam idem Cicero, qui duobus aliis locis (Brut. XVIII, 71 seq. et Tusc. I, 4, 3.) Livium non censuit omitendum, in Aen-

et lingua, litterasque excolendas tantam primus fere vim habuerit, reliquis et aliorum scriptorum de eo testimonii tantopere destituti simus; ibique p. 1 — 9 optime demonstrat, causas hasce partim in literarum et artium, quae ne Ennii quidem temporibus desierit (Cic. Tusc. I, 2, 3 et 4), contemptione et in infima Livii condicione, quippe qui servus et fabularum suarum actor etiam fuerit, quaerendas esse, partim in secutorum poëtarum praestantia, qui facile ejus de arte scenica et tota poësi merita obscuraverint. —

dem. quaest. I, 3, 10 Ennio, Pacuvio, Attio, tragicis poëtis optimis quartum addere Livium, jure dubitavit. (5) Simillima est res, quod attinet ad locum ex prologo Andriae Terentianae allatum. Ibi enim Terentius Lusci Lavinii, ut vulgo putatur, maledictis publice respondens v. 18 seqq. haec dicit:

„Qui, cum hunc accusant, Naevium, Plautum,
Ennium
Accusant, quos hic noster noctores habet;
Quorum aemulari exoptat negligentiam
Potius, quam istorum obscuram diligentiam.“

quo loco quid voluerit Terentius, manifestum est. Nonne enim ineptum erat, si Livii hoc loco mentionem fecisset, ejus poëtae, qui facile ab omnibus potuerit accusari. (6) Nunc vero, qua non

5) Quo magis miror, *Oeanum in ephemeridibus literarioris* (Zeitschrift für die Alterthumswissenschaft) a Dr. L. Chr. Ziemermann editis Darmst. 1836. curs. III. fascic. 10. p. 964. non solum eundem hunc errorem repetuisse, sed etiam Isidori Orig. IX, 1. advocasse, qui locus non magis hue quadrat. Nam ibi haec leguntur: „Romana lingua est, quae post reges exactos a populo Romano copta est, quam Naevius, Plautus, Ennius, Virgilius poëtae et ex oratoribus Graecibus — effuderunt.“

6) Et accusator Liv. Andronicus non solum ab Horatio in epist. II, 1, 69 — 75:

„Non equidom insector, delendave carmina Livi
Esse reor, memini quae piagorum mihi parvo
Orbium dictare: sed emendata videri
Pulchraque, et exactis minimum distantia miror.
Inter quae verbum emicuit si forte derorum, et
Si versus paulo concinnior unus et alter,
Injuste totum ducit venditus poëma.“

ubi recte Weichertus (lib. 1. p. 27 — 37) tuetur librorum lectionem Livi contra Bentlejnum, qui ex conjectura scripsit Laevi; sed etiam a Cicerone Brut. XVIII, 72, cui, praeser-

aptior alia poterat esse excusatio, optimum quemque in comoediis scribendis se sibi sumpsisse auctorem profitetur, Naevium, Plautum, Eunium, quos quidem omnes tum landabant. Non meliore jure Osannus advocat Volcatii Sedigitii versus, quos de praecipuis latinae comoediae auctoribus scriptos Gellius noct. Att. XV, 24 nobis servavit. Ibi sane Livii nomen non legitur, sed ex hoc loco et ex omnibus huic similibus, cum omnino nondum convenerit inter doctos viros, referendum esse Livium in comicorum numerum, nihil saltem minus appareat, quam scripsisse Livium comoedias, et omissum ibi esse, quia malas scripsere itaque contemptus fuerit; imo multo confidentius fortasse quis talibus ex locis, praesertim si plures inventi fuerint, conjicere possit, Livium comoedias omnino nullas scripsisse. Sed haec enjusmodi sint, postea videhimus; id saltem mihi video demonstrasse, temere illud de Livio dictum

tim vituperanti, talibus in rebus multo major tribuenda est fides. Nam Horatius, qui soles laudat suae aetatis vel saltem recentiores poetas, et acerrimo invehitur in veterem illam et minus artificiosam scenicorum poetarum et Lucillii poesin, solum hoc ob partium studium injustice saepe appetet veterum poetarum judex, quo approbrio frustra eum post alios (cf. Dan. Heinsii dissert. in Horatii de Plauto et Tarentio judicium) liberare studuit Weichertus in lib. I. p. 20 — 26. Cf. Turnebum adversar. XXV, 16 et Camerarium in dissertatione de comoediis Plautinis etc. Contra Cicero, vir patriae amantissimus, quaecunque ad eam illustrandam pertinent, si modo sunt laudanda, laudat. Nibilominus is etiam I. c. Odysseanum Livii appellat opus aliquod Daedali, et Lillianas fabulas non satis dignas censet, quae iterum legantur. Cf. Funcicum de adul. ling. lat. p. 65. init. Ceterum illud Horatii et Ciceronis de veteribus Romanorum poetis tragicis judicium accuratius examinavit Gustavus Regel in commentatione doctissima, quae sic inscribitur: „Diversa viorum doctorum de re tragica Romanorum Judicia sub examen vocata.“ ed. Gottingae 1834. p. 30 — 34.

esse ab Osanno. Pertinet huc locus Festi in v. Scribas, unde cognoscimus, aliquem saltem honorem Livio datum esse ab aequalibus. Nam apud Festum l. l. (p. 491 ed. Dacer.) haec leguntur: „Scribas proprio nomine antiqui et librarios et poëtas vocabant; at nunc dicuntur scribæ quidem (7) librarii, qui rationes publicas scribunt in tabulis. itaque, cum Livius Andronicus bello Punico secundo scripsisset carmen, quod a virginibus est cantatum, quia prosperius respublica populi Romani geri coepta est, publice attributa est in Aventino aedis Minervae, in qua liceret scribis, histrionibusque consistere ac dona ponere in honorem Livii, quia is et scribebat fabulas et agebat.“

Quoniam vero coepi de Livii apud ipsos veteres aestimatione disserere, ad hanc etiam, quam primus Osannus in anal. crit. p. 5—8 diligenter perscrutatus est, quaestionem mihi respondendum est, sintne Livii fabulae posteriore tempore denuo actae, necne. Et bene quidem Osannus ex ipsa, quae Livianarum fabularum fuisse putanda est, compositione et sermone colligi posse demonstravit (p. 5), fabulas Livii postea non repetitas esse, (8)

7) Pro vulgato „quidem“ Mazocchius in Tab. Heracl. p. 387 scribendum proposuit „quidam.“

8) Qua de re conferatur etiam Langius in vindictis tragediae Romanae ed. Lipsiae 1822 p. 6. seq. et Gust. Regel in lib. I. p. 38. Miror Weichertum (lib. I. p. 29. med.) his verbis „praesertim cum Livianas fabulas illo tempore et actas et lectione ab ipso Tullio frequentatas esse certo evinxi possit:“ subjunxit haec: „vid. Fr. Osanni Anal. Crit. p. 5. sqq.“ Videtur enim Weichertus I. c. hunc Osanni locum advocasse, ut eandem sententiam et sibi et ei probatam esse indicaret. At Osannus loco illo prorsus contrarium dicit: „Id vero, quod ne Ciceronis quidem aetate Livii fabulas adhuc actas esse diximus, si potest, aliquo argumento confirmandum est.“

sed vereor, ne quo argumento hanc sententiam studuit confirmare, id nimis labefactetur. Res enim haec est. Nonnulla aetatem tulerunt fragmenta ex Equo Trojano, quam fabulam spectatam esse a Cicerone patet ex ejus epistolis ad famil. VII, 1. (9) Quaeritur jam, utrins fabulam spectaverit Cicero, quem Nonius in v. opitula p. 475. ed. Mercer. Livium Equi Trojanum auctorem dicat, Macrobius Sat. VI, 1 Naevium. Facile Osannus rem dirimit. Is enim p. 7. Ciceronem in epist. ad famil. VII, 16 vetare censet, de duabus ejusdem tituli fabulis diversorum auctorum cogitare, cumque Naevii magis consentaneum sit, quam Livii fabulas a posteris repetitas esse, a Livio omnino non scriptum esse Equum Trojanum suspicatur. Quaecunque igitur ejus fabulae exstant fragmenta, soli tribuenda censem Naevio, Liviique nomen ex illo Nonii loco migrare jubet, cui quidem rei et promptam et aptam esse excusationem, ex horum nominum creberrima confusione petitam, minime negaverim. Addit Osannus, paucis versibus post illum Nonii locum (in v. opitula) memorari Livi Odysseam (in v. site), qua conspecta librarius eidem auctori etiam Equum Trojanum fortasse censuerit tribuendum; sed licet facilius hoc crederem, si paulo ante Livi nomen legeretur, tamen vel tum viri docti decretum mihi non probaretur. Nam locus ille Ciceronianus non omnem de duabus ejusdem tituli fabulis cogitationem excludere mihi videtur. Quidni Cicero potuerit scribere ad familiarem (epist. VII, 16.): „in Equo Trojano scis esse

9) Ibi Cicero Mario amico de Iudis refert, a Pompejo alterum consule editis, eique, quod absens eos non spectaverit, gratulatur his verbis: „Quid enim delectationis habent sexcenti muli in Clytaemnestra? aut in Equo Trojano eratrum tertia millia?“

in extremo, sero sapiunt"; etiamsi duae ejus tituli fabulae extiterint, altera Livii, altera Naevii; Mibi saltem, si quid video, nihil hoc habet offensionis, modo fieri potuisse concedas, ut altera tantum earum in vulgus cognita esset, eademque Ciceronis temporibus repeteretur. (10) Demus igitur Naevij fabulam, non Livii, denuo editam esse illo tempore, et ad summum coacti erimus, hoc fragmentum: „sero sapiunt (Phryges):“ tribuere Naevio, (11) minime simul illud, quod ex Livii Equo Trojano servavit Nonius. Sed satis jam his de rebus hoc loco; erit enim nobis, ubi sigillatim de scriptis Livii Andronici disputabimus, ad hanc, quam Osannus instituit, quaestionem verbo saltem redeundum; id tantum adjiciam, nullo illorum lo-

10) Similem fere sententiam expressit Henricus Dünziger in dissertatione inaugurali, edita Berolini anno 1835. 8, qua L. Livii Andronici (hoc enim praenomine poëtam nostrum appellat) fragmenta colligit et illustravit. p. 49. Stievius in libro de rei scenicae apud Romanos origine scripto p. 84. seqq. recte quidem obloquitur Osanno, qui Livio Equum Trojanum abjudicaverit; idem vero sine causa satis valida (ut bene demonstravit Gust. Regel in lib. I. p. 38. not. 30) ne Naevii quidem fabulas Ciceronis et Augusti aetate actas esse statuit, sed praeter Naevium et Livium posteriores etiam tragicos illius nominis fabulas scriptissime opinatur, quarum novissimam Cicero spectaverit. Denique Osannus in ephem. literar. a Zimmermanno editis curs. III. fascic. 10 p. 967. seq. in sententia sua permanet, totamque illam de Livii Equo Trojano quaestionem inde pendere contendit, num Livii fabulæ a Cicerone adhuc spectatae fuerint.

11) Quod sane fieri potest, quia Cicero l. c. auctoris nomen ipsi fragmenta non apposuit, et quia Festus in v. sero (p. 501. ed. Dacor.) ne id quidem dixit, ex fabula aliqua sumptum esse illud: „sero sapiunt Phryges," quod apud Romanos abiit in proverbium. Sed quo jure sive Livio sive Naevio tribuere possimus hoc fragmentum, sane alia est quaestio, quam aptiore loco dirimendam nobis reservamus.

corum, quos Osannus ex Cicerone in fine p. 6 affert, (12) Ciceronem, id quod ille dicit, Equo Trojano in proverbium uti, et fabulam hanc tangere videri, sed omnibus illis locis loqui de ipso equo illo ligneo, qui Graecorum principibus consertus Trojae excidium parasse dicitur. Et potuit sanc
hac imagine uti Cicero, bene intelligentibus audi
toribus, qui tamen non ex illa Livii vel Naevii
tragoedia rem totam didicisse, sed potius in men
tom sibi revocasse putandi sunt, quae vel pueri a
matribus audierant. Notissima enim haec de equo
Trojano narratio erat, et in vulgus cognita. Quae
ris, unde hoc tam confidenter dicere aufeam?
Veluti nescias, ex Troja diruta Romanos duxisse
originem et quotannis, vel saltem certis quibusdam
annis Marti immolatum esse equum Octobrem in
memoriam Trojae, equi lignei auxilio excisae. (13)

De Livii Andronici vita et condicione, quae
suerit ante Tarentum expugnatum nihil omnino
scimus, et bene Osannus in anal. crit. p. 6. hal
lucinari dicit eos, qui aliquid se scire profitean
tur. (14) Quibus enim parentibus, quo anno et

12) II. Philipp. XIII, 32. pro Muraena XXXVII, 78.
de orat. II, 22, 94. II. Verrin IV, 23, 52. Falso enim
scriptum est apud Osannum „de orat. 2, 22, 49. 2 Vert. 4,
23, 77.“

13) De hac equi immolatione cf. Plut. quaest. Rom.
97., qui Decembri mense immolatum esse equum falso nar
rat, nam factum id esse potius mense Octobri, vel nomen
docet. Cf. Festum in v. October equus. Putabatur enim
Idib. Octobr. Troja capta esse.

14) Locus hic erit, accuratius indicare eos, qui de An
dronici vita scripserunt, inter quos primum habeo, quem af
feram, Casp. Sagittarium Luneburgensem in commentatione
„de vita et scriptis Livii Andronici, Naevii, Banii, Caecili
Statii, Pacuvii, Attii, Attilii, Lucilii, Afrani, M. Porci Catonis“
quae in lucem prodit Altenburgi MDCLXXII, 8., quem li
brum rarissimum Osannus in anal. crit. p. 9. not. 2., ad-

qua in urbe patria natus fuerit, quas res omnes, qui vitam alicuius narraturus est, in primis requirere debet, earum de Livio poëta ne minimum quidem apud veteres scriptores invenimus vestigium, quin ipsa ea, quae per pauca de posteriore ejus vitae parte a veteribus referuntur, confusa sunt omnia, neque bene inter se cohaerent.

De parentibus ejus audacissimam sane, ut ipse confitetur, Osannus p. 10 tentavit conjecturam, avum ejus fuisse suspicans Andronicum illum tragicum, quem Demosthenis praceptor in arte gestus agendi fuisse, nonnulli veterum scriptorum Graecorum narrant, quorum locos idoneos Osannus l. c. adscripsit. Nimis fluxit haec conjectura ex nominum similitudine, et inde, quod uterque Andronicus ex eodem populo oriundus erat; et faciliter quadammodo notissima illa Graecorum consuetudine, qui pueris avorum nomina indere solebant. Neque annorum ea est ratio, quae omuem statim de opinionis hujus probabilitate cogitationem repellet, licet nimia facile alicui videatur centum et quindecim annorum differentia inter avum fortasse jam senem et inter nepotem aetate florentem. Flo-

stipulante Henrico Stieglitzio de Pacuvii Dutoreste præf. p. XIII, magis magisque delitescere, neminem dicit, qui norit, deploraturum esse. Mibi inventire eum contigit una cum ejusdem Sagittarii commentatione „de vita, scriptis, editionibus, interpretibus, lectione atque imitatione Plauti, Terentii, Ciceronis“, et minime eum duxi contemendum, quamquam majoris sine dubio momenti sunt, quae de Andronico scripserunt Lilius Gyraldus in Dialog. de poëtis l. VIII. (Opp. Tom. II, p. 412. seq. edit. Jensianæ) — Fr. Osannus in anal. crit. tribus prioribus capitibus; denique Henricus Döntzerus in lib. I., quem summa cura atque doctrina recensuit idem Fr. Osannus in ephemoribus literariis a Zimmermanno editis curs. III. fascic. 10. nr. 119 — 121, unde plurimum fructum ceipi in multis, quae ad Livii vitam et fragmenta pertinent, quaestionibus melius dirimeudis

tuit enim Demosthenes circa annum a. Chr. n. 355, et Livius Andronicus 115 annis post primam Romae fabulam egisse fertur. Itaque conjectura haec elegans quidem et fortasse etiam probabilis videtur, quia nihil est, quo plane refutetur, eadem vero prorsus incerta appareat, quin, ut eam probemus, nulla est causa necessaria.

Quod ad annum natale Livii attinet, neque eum ipsum usquam legimus indicatum, neque aliae annorum rationes inventae sunt, ex quibus de illo facere possimus conjecturam. Non magis de patria ejus urbe liquet, et quamquam recte tenere mihi videtur Osannus p. 26. opinionem, Livium Romanum migrasse Tarento, (15) tamen vix inde

15) Dicitur enim Livius captus esse a Romanis, Tarentum expugnatis, cujus rei solus neque is satis certus est testis Attius in aliquo, ut videtur, didascalicon libro. Nam Cic. Brut. XVIII, 72 seq., unde depromptum est totum hoc indicium, satis aperte demonstrat, mirum quantum lapsuni esse Attium in anno constituendo, quo Livium Tarenti captum esse et primam fabulam egisse dixerit, unde facile quis omnem toti illi testimonio Attii denegandam esse fidem censcat. Attamen inde, quod falsos apposuit annorum numeros, non statim sequitur, in re omni lapsum esse Attium, et optime Gust. Regel lib. I. p. 35. not. 16 monstravit, qua via in errorem inductus sit Attius, simul refellens Langium, qui in lib. I. p. 22. not. 29. altam erroris illius explicandi rationem tentavit. Et valde exoptatum sane nobis est hoc Attii indicium, quo crepto, ut bene Osannus p. 24 annotat, tota de Livii patria disputatio, quamquam satis jam tenebris offusa est, penitus tolleretur. Caeterum non nego, indicium illud ita esse comparatum, ut statim missum facerem, si aliud ei repugnans inventum egset. Praeterea in illo Ciceronis loco (Brut. XVIII, 72) retinendum esse Attii nomen, quod summa constantia exhibent libri, neque scribi posse Atejum (philologum), ut voluit Osannus in anal. crit. cap. IV. p. 60 — 67, adstipulante Bothio in lib. I. p. 1. not., viderunt jam Langius (lib. I. p. 3. not. 4), Orellius ad Ciceronis locum allatum, Gust. Regel in lib. I. p. 35. not. 16. et Dünzterus in lib. I. p. 4. not. 8. Cf. etiam Madvig

collegerim, natum quoque eum Tarenti fuisse, quod quidem non sine aliqua veritatis specie fieri posse dicit Osannus in anal. crit. p. 9. et in recens. libri a Dünztero editi p. 962. mod., „quum cum, qui Romae non sine applausu partes in scaena agere sciverit, easdem Tarenti quoque artes antea exercuisse probabile, imo necessarium sit, eaque quidem in urbe, in qua artem scaenicam proptes ingentem civium cupiditatem spectacula frequentandi magnopere floruisse atque excultam in primis esse constet.“ Sed claudicare hanc argumentationem, quam etiam Dünzterus lib. I. p. 4. improbat, facile potest demonstrari. Etiamsi enim Andronicum Tarenti fabulas egisse et tali modo exercitationem quandam in fabulis agendis adeptum esse ponimus, (16) num, queso, inde sequitur, natum quoque Tarenti cum fuisse? Quid, quod ipso hoc, quo Tarentum splendebat, literarum et artium flore adducimur ad opinionem sere contrariam concipiendam, migrasse eo Andronicum ad animum ingeniumque excoleendum, ita ut, si alia in urbe, a literis non laudata, captum eum legeremus, in eadem natum etiam eum esse, multo facilius crederemus? Sed non est, quod diutius immoremur hisce enucleandis, cum praesertim vanum esset studium, si quidquam certi de patria Livii urbe eruerre vellemus; unde etiam bene Osannus p. 10, quae de Tarento suspicatus sit, ea divinari tantum posse dicit, „non pro certa re venditari cum Jacobio in

de didascalibus Accii. Nam clarum illum poëtam tragicum constat etiam scripsisse libros didascalicon. Nihilo tamen minus Osannus in conjectura sua perseverare velle videtur, ut appareat ex recens. lib. a Dünztero editi p. 958. not.

16) Quamquam ne hoc quidem ita necessarium est, ut voluit Osannus, quia placere poterant Romanis illo tempore his in rebus admodum erubibus, Livii fabulae, etiam si eadem artem alii non antea exercuisserent.

Additam. ad Sulzeri Theor. A. L. Tom. I. p. 6, quasi in explorata re argumentis supersedente afferendis.“ Id solum de Andronici origine tamquam extra omnem dubitationem positum constat, fuisse eum natione Graecum, quamquam ne hoc quidem, nisi nomen (17) ipsum doceret, aliunde cognossemus. Antequam enim egregie Osannus p. 10—18 demonstraverat, legendum esse apud Festum in v. Solitaurilia: Livius, non, quae vulgata lectio est, Ennius, praeter nominis testimonium aliud de Graeca Andronici origine nullum succurrebat. Sed ex ingeniosa Osanni emendatione, quam miror a Dünztero lih. I. p. 18. not. 40. II. prorsus neglectam esse, haec leguntur apud Festum l. c.: „Quod si a sollo, et tauris earum hostiarum ductum est nomen, antiquae consuetudinis per unum L enuntiari non est mirum, quia nulla tunc geminabatur litera in scribendo, quam consuetudinem Livius mutavisse fertur, utpote Graecus Graeco more usus, quod illi aequi scribentes ac legentes duplicabant mutas et semiivocales“; quo sane melius de Graeca Livii origine testimonium, si vera est emendatio, reperiri vix queat. Atqui haec sunt, quibus usus est vir doctus ad deserendam librorum scripturam, argumenta: quod Ennius, Rudiis, quae diu jam erant in Romanorum potestate, natus, vix possit appellari Graecus, quippe quem omnes Romanae linguae et poësis patrem praedicent; quod Ennius, ob purum latinum sermonem laudatus, Graecis moribus usus esse in scribendo putandus non sit; quod et grammaticae auctores et illius temporis inscriptiones testentur, antiquos illos tragediarum poëtas more aetatis suae literas consonantes

17) Unde Terentianus Maurus in carmine de metris p. 2425 ed. Putsch.: „Livius ille vetus Grajo cognomine“ cct. quamquam falso ibi Livium hexametros fecisse dicit.

non geminasse; quod neque Ennius jam duplicarit literas consonantes, neque mos hic fuerit aetatis illius, ut appareat ex senatusconsulto de Bacchanalibus, Enni temporibus (anno a. Chr. n. 186) edito, ita ut Terentii aetate primum factum id esse videatur; denique quod Andronicum, hominem Graecum, latinae linguae ex vernacula nonnulla immiscesse, non modo consentaneum sit, sed testimoniis etiam veterum scriptorum confirmetur. Ad singulas hasce causas, ut eas redderet probabiliores, satis multa Osannus veterum scriptorum testimonia adjecit, et in fine disputationis emendatum sic Festi locum ita fere explicat: Livius literas consonantes, ex usu antiqui temporis non geminatas, primus duplicavit, idque Graecus Graeco more fecit, inter quos illo tempore dum iam perulgatus fuit hic usus. Qui vero eum secuti sunt scriptores, utpote vulgari latinas linguae usu imbuti, hunc Livii morem rejecerunt.

Jam vero si tenemus, Livium a Romanis, Tarento expugnato, captum et Romanam adductum esse, quaeritur, quo anno id factum esse putare debeamus; neque res est difficilis. Bis enim tantum Romani Tarentum expugnarunt, primum post Pyrrhum ex Italia expolsum anno a. Chr. n. 272, L. Papirio Cursore, Spurio Carvilio Maximo eoss., deinde belli Punici secundi tempore, anno a. Chr. n. 209 duce Q. Fabio Maximo, quintum consule. Et hoc quidem tempore Andronicum in Romanorum potestatem venisse, Attius narraverat, ut patet ex Ciceronis Bruto XVIII, 72 seq. Sed bene jam Cicero l. c. eum explosit, et simili modo etiam Osannus p. 44, qui in altero, quod p. 45 ad confringendam Attii sententiam attulit, argumento veterum scriptorum de Catonis vita testimonia apertissime conjunxit cum hac de Livi Romam adventu quaestione. Cum enim Cato natus sit post primam Romae fabulam ab Andronico editam,

ipseque adolescens senem viderit Livium teste Ciccone de sen. XIV, 50, porro cum Cato illi Q. Fabii Maximi in Tarentinos expeditioni interfuerit, (18) hac sane occasione Livium captum putare non possumus. Hinc nostris temporibus una est doctorum virorum sententia, Romam venisse Livium anno a. Chr. n. 272, (19) quo anno prior ejus vitae pars finitur, si quidem Livio domicilii sortisque mutatio ad vitam duas in partes distribuendam satis visa est insignis, nobis nunc primum ex tenebris aliquantum dilucescit. Caeterum si constat, Andronicum demum anno tricesimo secundo, postquam Romam venerit, fabulam primam docuisse, si porro ex Ciceronis dialogo de sen. XIV, 50 et ex T. Livio (hist. XXVII, 37.) colligi potest, post fabulam hanc editam triginta etiam annos et supra Andronicum vixisse, (quas res ita se habere, suo loco docebitur), perquam probabile videtur, eum adolescentulum (20) Romam venisse. Certum, quem Livius illo tempore ege-

18) Cic. de sen. IV, 10 ibique Gernhardium. XII. 39. Plut. in vita Caton. 2. Osannus hujus rei testem male advocavit Cornelium Nepotem his verbis: „Catonem septem et decem annos natum huic Maximi expeditioni interfuisse tradidit Neps ej. vita I.“ Id enim minime scriptum est apud Nepotem l. c., cuius haec sunt verba: „Primum stipendum meruit (Cato) annorum decem septimumque: Q. Fabio Maximo, M. Claudio Marcello coss. tribunus militum in Sicilia fuit.“ Ibi neque prior periodi pars cum altera arte jungenda est, quia post „septemque“ est interpungendum, neque Cornelius loquitur de quinto Fabii consulata et de ejus expeditione in Tarentinos, cui interfuerit Cato, sed de Q. Fabio Maximo quartum consule anno a. Chr. n. 214, quo anno Cato natus erat annos viginti.

19) Conferatur Dünzter. lib. 1. p. 4. Gust. Regel lib. 1. p. 35. not. 16. et Osannus in recens. lib. a. Dünz. ed. p 958.

20) Cf. Dünzter. lib. 1. p. 5. not. 10

rit, aetatis annum indicare non ausim; nihilominus, si quis sane incertae et nimis multorum annorum spatium complectentis adolescentiae vocabulum arctioribus finibus circumscribere velit, ita ut **Livium**, cum a Romanis caperetur, annum aetatis vicesimum quintum nondum excessisse dicat, me habeat assentientem; alioqui enim senex plus septem et quinquaginta annorum primam fabulam docuisse putandus esset. Osannus ab altera parte adolescentiae spatium praecidendum potat, idque ob causam eandem, quam necessariam esse supra jam negavimus. Sunt enim haec ejus verba in anal. crit. p. 26: „**Livium** est manifestum, ant admodum adolescentem **Romam** venisse, quod parum veri videtur simile, quum eum, qui **Romae** fabulas non solum scriberet sed ipse etiam ageret, alibi jam has artes edoctum exercuisse necesse sit, quod in tanta adolescentia vix poterat fieri, aut eum aetate longe jam provectum, plus quam quinquaginta annos et supra natum **Romae** fabulas edidisse, id quod non sine exemplo est, si senem Roscium in scaena adhuc partes suscepisse memineris“ cet.

Romae Andronicus, quae ibi erat bello captorum sors tristissima, insula servi condicione vivebat, donec a M. Livio Salinatore ob magna sua de ejus liberorum eruditione merita libertate donatus est, teste Hieronymo in Eusebii Chronicō ad Olymp. 148. „T. Livius tragoediarum scriptor clarus habetur, qui ob ingenii meritum a Livio Salinatore, cuius liberos erudiebat, libertate donatus est. (Et Livius a Livio illo appellatus)“²¹⁾. Sed quisnam fuerit hic **Livius Salinator**, ambigitur. Osannus in anal. crit. p. 18 expediri vix posse putat, utrum Andronicus a M. Liv. Salinatore libertatem nomenque adeptus sit, an a C. Liv. Macato, (21) quem **Livius historiarum** scriptor, num

21) De Cajo hoc vel M. Livio Macato non confundendo

Marcum recte appellebat, ab ejus interpretibus dubitetur, et p. insequente demonstrat, non posse Hieronymi testimonium bene conciliari cum M. Livii Salinatoris historia, „quam hic, quem anno U. c. 566 cum M. Valer. Messala collega consulatum egisse scriptores confirmant, liberis vixdum jam gavisus esse eo tempore possit, quo Andronicus ejus liberis erudiendis operam navare potuerit. Nam Nostrum (sic pergit Osannus p. 20) parum simile est veri fabulas publice docuisse, antequam libertate donatus esset; atqui hanc gratiam tum demum, quum de illius liberorum eruditione meritus esset, ab hero impetravit.“ In ultimo hoc me habet assentientem (22); at minime putaverim, dictum esse ab Hieronymo l. c. Livium Salinatorem consulem anni U. c. 566 sive a. Chr. n. 188, quem falso Osannus Marcum appellat, quum apud Livium hist. XXXVIII, 35 legatur: „Creavit (M. Fulv. Nobilior consul) consules L. Valerium Messalam et C. Livium Salinatorem.“ (23) Equidem herum Andronicus fuisse suspicor M. Livium eum, cui primo Salinatori cognomen evenisse ob novum, quod censor anno a. Chr. n. 204 sali imposuerit vectigal, Livius narrat hist. XXIX, 37. Marcus hic Livius Salinator pater erat Caij illius,

cum M. Livio Salinatore vide Wesselingum in observat. II, 5. Cf. etiam Liv. hist. XXVII, 34 et Osann. in recens. lib. a Dünz. ed. p. 959, in fine.

22) Adstipulatur etiam Dünzterus lib. 1. p. 3 et 5.

23) De Livio Salinatore praeter locum exscriptum juvat conferre Liv. hist. XXXV, 24. XXXVI, 2 et 42—45. XXXVII, 9. 12. 14. 16. et 25. Eundum C. Livium Salinatorem Andronicus herum fuisse, Funcius dicit de adolescentia, Ling. 1a1, p. 61, not. z. ubi haec leguntur: pille (Liv. Salinator) diversis temporibus praeator, consul, pontifex in historia Romana band immobilis. Liv. Patavin. XXV, 14 (quod falso indicatum corrigendum est in XXXV, 24, quo loco praetorem cum creatum esse Liv. Patavin. narrat) XXXVIII, 35. XLIII, 11. et passim.“

de quo loquitur Osannus, et primum consul una cum L. Aemilio Paulo anno a. Chr. n. 219. Ut ergo consul adversus Illyrios missus feliciter res gessit et ex bello hoc triumphavit, quamquam sunt, qui Salinatoris nomine omisso solum Aemilium triumphasse scribant, quod quidem ob maiorem Aemilii hoc in bello gloriam factum esse videtur. Consules brevi postquam magistratu sese abdicaverant, ob praedam suppressam in jus vocati sunt, et Aemilius aegre liberatus est: Salinator vero, ab omnibus fere tribubus damnatus, gravissime id ferebat, ita ut rus migraret et plures per annos urbe omniq[ue] hominum coetu sponte careret (24), (Liv. hist. XXVII, 34) donec tandem anno a. Chr. n. 207 fere invititus iterum factus est consul una cum C. Claudio Nerone, quicum pristinæ eaeque gravissimæ inimicitate ei intercedebant. (Liv. hist. XXVII, 34 seq.) Hoc anno egregiam de Hasdrubale ad Senam (25) reportavit victoriam (Liv. hist. XXVII, 40 et 46–49), ita ut triumphi

24) Hinc, quum de M. Livio, apud Livium hist. XXI, 18. commemorato, ab interpretibus ambigatur inter M. Livium Salinatorem et M. Liv. Macatum, non putaverim, Salinatorem nostrum fauisse unum ex legatis, anno a Chr. n. 218 ad Carthaginenses missis, qui bellum iis indicerent, sed intelligendum potius esse M. Livium Macatum, Salinatoris cognatum. Nam, teste Livio hist. XXVII, 34. M. Liv. Salinator in urbem reductus est a M. Claudio Marcello et M. Valer. Laevino coss. (i. e. anno a. Chr. n. 210) octavo ferme post damnationem anno, itaque illius Jegationis tempore jam erat damnatus.

25) Salinatorem hunc, qui Senense proelium commisit, quodammodo cum Liv. Andronico coniunctum fuisse, colligi potest ex Attii testimonio apud Cic. Brut. XVIII, 72 seq., ubi Livius primam fabulam docuisse dicitur Iudicis Juventatis, quos Salinator Senensi proelio voverat; quamquam vera, ut videtur, annorum ratio non conspirat cum Attii indicio. Cf. Osann, in recens. lib. a Dünz. ed. p. 960.

honor iterum ei concederetur. (Liv. hist. XXVIII,
 9.) In fine ejusdem anni dictator est dictus,
 ut comitia consularia haberet, (Livius hist.
 XXVIII, 10) et in sequente anno proconsul variis
 rebus praeclare gestis excelluit (Liv. hist. XXIX,
 5 et 13); denique anno a. Chr. n. 204 censoris
 munere functus est una cum eodem C. Claudio
 Nerone, quem iterum consul habuerat collegam.
 (Liv. hist. XXIX, 37. XXXVI, 36. XXXIX,
 3.) Ultima igitur, quam de M. Livio Salinatore
 habemus, anni nota est a. Chr. u. quarti et du-
 centesimi sive U. c. quinquagesimi et quingentesi-
 mi. Jam si stat sententia, Andronicum Romam
 venisse anno a. Chr. n. 272 eodemque statim anno eru-
 diendis M. Livii Salinatoris liberis operam dedi-
 se, hoc sane ne cum hujus quidem Livii histori-
 a probabiliter potest conciliari. Vix enim credibile
 est, hoc tempore jam liberis gavisum esse M. Li-
 vium Salinatorem, nisi forte anno a. Chr. u.
 219 primum consulatum egisse fere octoginta an-
 norum senex et quindecim annis post censorum sese
 exhibuisse satis severum, ut ex Livio hist. XXIX,
 37 appareat, potandus est, quae quidem ratio effi-
 citur, si anno a. Chr. n. 272 septem tantum et
 viginti annos natum eum fuisse ponimus. Tantum
 vero abest, ut ab omni parte verum sit, Androni-
 cum, ut supra posuimus, statim postquam Romam
 venerit, paedagogi munere apud Salinatoris liberos
 functum esse, ut ne simile quidem veri hoc vide-
 atur. (26) Andronicum enim fabulam primam do-
 cuisse anno a. Chr. u. 240, postea demonstrabimus,
 et paulo ante hoc tempus manumissum esse, quo-
 minus credamus, nihil saltem obstat, ita ut cir-
 citer triginta annos serviisse putandus sit. Hinc

26) Solebant Romani liberos suos servis senioribus et
 spectatae iam fidei committere.

per triginta annos integros unius heri liberos Andronicum erudiisse, non consentaneum esse putanti mihi haec informata est cogitatio. Andronicum in fine servitutis aliquot per annos erudiisse liberos Salinatoris, et haec ob merita libertate donatum esse. Cui quidem opinioni minime repugnare invenies Hieronymi testimonium, si iterum perlegeris; (27) imo vero omnia, assumpto hoc calculo, bene quadrare facile concedes. Ponamus enim, M. Livium Salinatorem, qui paulo ante primam Romae ab Andronico editam fabulam hunc de filiorum, quos Graecis, ut Osannus opinatur, literis instituerit, eruditione bene meritum manumiserit, natum fuisse circiter annos triginta, (28) et habebimus eum primum consulem duorum sere et quinquaginta annorum; quod inauditum non est, cum aetas consula-

27) Nihil enim scimus ea de re, servientine Andronicus soli, cui debuit libertatem, M. Livio Salinatori, an aliis etiam ante hunc herum, neque quo tempore liberos Salinatoris erudire cooperit, ullum indicium repertum est. Quidni igitur statuere possimus, Andronicum hereditate a patre vel alio quavis modo ab alio venisse in possessionem M. Livii Salinatoris? Et quamquam Osannus in recens. lib. a Dintz. ed. p. 959, iuit. ex Hieronymi verbis l. l. hoc tantum sequi dicit, Andronicum ab Silitatore manumissum esse ob ingenii meritum, qui fortasse jam auto eum auctor, quo publice primam Romanas fabulam egerit, domi inter amicos ingeni poetici specimina ediderit, minime simul id, quod omnes hucusque, quotquot de Andronico scripserunt, interque eos ipse Osannus in anal. crit. p. 20, inde patere existimarent, libertatem tum dominum Andronicum ab hero impetrasse, quem de illius liberorum eruditione bene meritus esset; tamen ex omni verborum, quas apud Hieronymum l. l. leguntur, nexus, et praecipue ex imperfecto *perudiebat* optime hoc elici posse videtur, ipso illo, quo libertate donatus sit, tempore Andronicum Salinatoris liberos instituisse, quae res, si vera est, totam nostram de Salinatore et Andronico opinionem egregie confirmat.

28) Cf. Osannum in recens. lib. a Dintz. ed. p. 959.

ris sumpta haec Salinatoris primum consulis aetate novem tantum annis minor sit. Caeterum quam multis iisque parum certis conditionibus nitatur tota haec argumentatio, nemo non videt, neque omnia haec tamquam prorsus certa et explorata pronuntiare ausim, quamquam non abesse puto aliquam saltem veritatis speciem. (29) Id saltem mihi videor evicisse, non abiciendum esse illud Hieronymi testimonium, licet is lapsus sit in auctorum ratione, ut mox apparebit.

Pertinet hoc Suetonii testimonium in libro de illustribus grammaticis cap. 1, ubi haec leguntur: „Grammatica Romae ne in usu quidem olim, ne- dum in honore ullo erat: rudi scilicet ac bellicosa etiamtum civitate, necdum magnopere liberalibus disciplinis vaente. Initum quoque ejus mediocre exstitit: si quidem antiquissimi doctorum, qui iidem et poëtae, et oratores semigraeci erant, (Livium et Ennium dico: quos utraque lingua domi torisque docuisse adnotum est) nihil amplius, quam Graeca interpretabantur: ac, si quid latine ipsi composuisserint, paelegebant. Nam quod nonnulli tradunt, duos libros, de literis syllabisque, item de metris, ab eodem Ennio editos, jure arguit L. Cotta, non poëtae sed posterioris Ennii esse: enjus etiam de angurandi disciplina volumina feruntur.“ Jure Osan-

29) Livium Andronicum manumissum esse ab eodem hoc M. Livio Salinatore, quem illius heram fuisse ego suscipiatus sum, uberior demonstrat Osannus in recens. lib. a Dünz. ed. p. 958 — 962, jure reprehendens Dünzterum, qui hauc de hero Andronici quaestionem, vel maxime necessariam ad verum poëtae praenomen expediendum, plane neglexit, Dünzterus enim nil nisi Lucii cuiusdam Livii servum fuisse poëtam nostrum (ib. l. p. 3 et 5), Salinatorem autem inter eos fuisse opinatur Juvenes (ib. l. p. 16), qui discendi causa ad Livium Andronicum confluxerint, unde factum sit, ut grato animo postea eum prosecutus sit.

nus in anal. crit. p. 27, eos expedit, qui verba: „quos utraque lingua domi forisque docuisse adnotum est:“ referenda censuerunt ad fabularum actionem privatam et publicam, cui sententiae addictus erat etiam Planckius ad Ennii Medeam p. 30. Neque tamen ipsi Osanno assentior, cui Suetonius his verbis docere voluisse videtur, Romae Livium artis grammaticae magistrum sese profsum esse; quod si legeretur apud Suetonium, sane efficeret, ut cum Osanno plane falsum esse hoc indicium censerem, quia publica hujus literarum disciplinae professio non Livii est, sed multo recentioris aevi. Sed videtur mihi nihil amplius dixisse Suetonius, nisi: Livium et Enium in praecipiendo utraque lingua et Graeca et Latina usos esse, eorumque praecepta fuisse partim Graecorum scriptorum interpretationes, partim eorum, quae ipsi latine composnerant, paelectiones; id vero appellari posse mediocre, quod apud Romanos sanctum sit, artis grammaticae initium. (30). Et Graecam quidem linguam, quin domi forisque docuerint Livius et Ennius, non est, quod dubitemus; ipsum autem Suetonium hoc loco lapsum esse, eo minus veri simile videtur, quo diligentius rem narratam ab eo consideratam et pensitatam esse vel inde cognoscimus, quod in fine capitinis moget de Enio poëta non confundendo cum ejusdem nominis grammatico.

Mos erat servorum, in manumissione dominorum nomina praenominaque assumere, iisque cognomina loco suum nomen adjicere. Sic Tironem, M. Tullii Ciceronis libertum, scimus dictum esse M. Tullium Tironem, et apud Ciceronem epist. ad Attic.

30) Cf. Dünzterum in lib. I. p. 12. seq. et Osannum in recens. ejus libri p. 964.

IV, 15. init. legimus, Entychidem, a. F. Caecilio Attico libertate donatum, assumpsisse heri sui et nomen et praenomen. Interdum tamen sola dominorum aut nomina aut praenomina libertis indita fuisse, primus docuit Osannus in anal. crit. p. 22 et 23, nonnullis ad sententiam suam probandam atlatis exemplis, ut Publii Syri, Titi Phaedri, (31) aliorum. De Andronico autem parum constat, fueritne ei, M. Livii Salinatoris liberto, pristini sui heri nomen solum (32) an praenomen quoque impositum. Qui enim Titum eum et qui Lucium (33) appellant, minime audiendi sunt, licet his prae-

31) Miror Osannum p. 23 scripsisse: „*Adde Syrum mimorum scriptorem, adde Phaedrum, utrumque libertum uno Publii praenomine appellatum.*“ Quoscunq[ue] enim libros inspexi, aut nullum omnino, aut Titi praenomen Phaedro fuisse inventi.

32) De nomine heri Andronico imposito dubitari non tecet, unde corrigendum est locus apud Nonium in v. utres p. 231. Merc., ubi legitur „*Lucilius Andronius*“ pro „*Livius Andronicus*.“

33) Atque Lucium eum appellatum fuisse, complures viri docti scripserunt, ut Martin, Anton. Delrinus in syntagma tragœdiae latinae ed. Antwerp. 1593. Tom. I. p. 26 et 93. — Petrus Scriverius in lib. I. p. 1. — Gerh. Joh. Vossius de historic. latin. III, 12, p. 827. — J. N. Funcius in tractatu de adul. ling. lat. p. 59. — Forcellinus in v. *Andronicus*. — Köpkius in dissertatione de dramate Romanorum ante Germanicam suam Plauti interpretationem Tom. I. p. XLVIII. — et superrime Dūntzerus in lib. I. p. 1, seq., qui adeo inde concludit p. 3, Lucii coquendam Livii libertum potestam nostrum fuisse. At vice versa, totam quæstionem de praenomine Andronicus, qui sine dubio in manumissione latina nomina accepit, non pendere nisi ex praenomine ejus, qui cum manumiserit, bene monet Osannus in recens. lib. a Dūntzero ed. p. 957. Itaque mirandum non est, hac etiam in re lapsum esse Dūntzerum, quum, ut supra vidimus, plane neglexerit investigare, quisnam fuerit heros Andronicus. Praeterea qui Cajum poëtam nostrum appellaverit, unum invenerim, nescio quo errore captum, *Glandorpium* in onomast. Rom. p. 546.

iverint Gellius duobus locis, noct. Att. VII, 7: „Ad primum autem longe primum L. Livius in Odyssea dicit.“ et XVII, 21: „Coss. Claudio Centone, Appii Caeci filio, et M. Sempronio Tuditanu, primus omnium L. Livius poëta fabulas docere Romae coepit.“ — Festus in v. surrexit p. 551. Dacer.: „Surredit et soretus antiqui ponebant pro surrexit et ejus participio, quasi sit surrectus, quibus L. Livillus (34) frequenter usus est.“ — et Cassiodorus in Chron. Tom. I. p. 357. col. 4. ed. Garet.: „C. Mamilio et Q. Valerio. His Consulibus Indis Romanis primum tragedia et comoedia a L. Livio ad scenam data.“ — illis Hieronymus in Eusebii Chron. ad Olymp. 148, cuius verba hue spectantia supra excipisci, quamquam vel ibi in nova editione Veronensi (Tom. VIII. p. 563.) pro „Titus Livius“ legi „L. Livius“, Döntzerus in lib. I. p. 16. not. 36. Mazzuchium referre dicit. Evidem facio cum Osanno, qui in anal. crit. p. 20 et 21 Titi nomen fluxisse suspectatur ex nomine Titi Livii Patavini, Lucii notam vero ortam esse ex sequente littera L in Livio, ita ut aut nullum omnino aut Marci praenomen Livio Andronico tribuendum sit. Iosephus Scaliger ad Hieronymi locum allatum commissum ab eo esse dicit μηνονος οφελια, et praenomen Livit fuisse Marcum non Titum; (35) attamen donec

34) Significari hoc loco Livium Andronicum, aperte docent verba Pauli Diaconi. Vide etiam interpres ad hunc locum.

35) Non ille quidem consentiens cum iis, quae ad Festum in v. commentans p. 303 Dacer. (Castig. in Festum. p. 112) annotavit; sed si id maxime quaeritur, quae tandem Scaligeri fuerit sententia de praenomino Livii, plus tribuendum videtur illi ad Hieronymi locum, quam huic ad Festum annotationi, quum ibi discrete praecipiat, Livio fuisse praeno-

repertum fuerit hac de re vel unum veteris alienius scriptoris testimonium, assentiar Osanno, qui Andronicum statuit eum heri nomine praenomen non accepisse. Nasquam enim apud veteres scriptores legitur M. Livius Andronicus, sed videtur hoc commentum esse a recentioribus criticis, qui quoniam invenissent Lucii vel Titi praenomen Livio inditum, hand scio an falsum hoc esse intelligentes, simul vero dandum ei esse praenomen putantes, Marcum eum appellaverint a M. Livio Salinatore.

Jam nobis respondendum est ad quaestionem multo difficultorem, quo anno Livius primam Romae fabulam docuerit. Hac enim in re ipsos veteres scriptores non consensisse, appareat ex Ciceronis Bruto XVIII, 72. seq., ubi haec leguntur: „Atque hic Livius, qui primus fabulam, C. Clodio Caeci filio, et M. Tuditano consulibus, docuit, anno ipso, antequam natus est Ennius; post Romanam conditam autem quartodecimo et quingentesimo, ut hic ait, quem nos sequimur. Est enim inter scriptores de numero annorum controversia. Attius autem a Q. Maximo quintam consule captum Tarento scripsit Livium, annis XXX, postquam eum fabulam docuisse et Atticus scribit, et nos in antiquis commentariis invenimus. Docuisse autem fabulam annis post XI C. Cornelio, Q. Minucio consulibus, ludis Juventatis, quos Salinator Senensi proelio voverat. In quo tantus error Attii fuit, ut his consulibus, XL (36) annos na-

men Marco, hic obiter tantum Odysseae latinae poëtam his verbis indicet: „Verba ex Odyssea vetere Lucii Livii Andronicus ita legenda: in Pylum adveniens, aut ibi omentans“ etc. Itaque falso Buntzerus in lib. I. p. 2. Scaligerum retulit inter eos, qui Livio Lucii praenomen tribuant.

30) Info XLII annos natus fuit his consulibus Ennius,

tus Ennius fuerit: eni cum aequalis fuerit Livius, minor fuit aliquanto is, qui primus fabulam dedit, quam ii, qui multas docuerant ante hos consules et Plautus et Naevius.⁴⁴ Eundem fere annum duobus aliis locis indicate Cicero, Tusc. I, 1, 3: „Serius poëticam nos accepimus: annis enim fere DX (37) post Romanam conditam Livius fabulam dedit, C. Claudio, Caeci filio, M. Tuditanu

quia inter consulatum C. Mamillii Turrini, Q. Valerii Faltonis (anno U. c. 515), quibus consulibus natum esse Ennium testatur Geffitus noct. Att. XVII, 21, 43, his verbis: „Claudium et Tuditanum consules sequuntur Q. Valerius et C. Mamilius: quibus natum esse Q. Ennium poëtam, M. Varro in primo de poëtis libro scripsit.“ et inter C. Cornelium Cethegum, Q. Minucium Rufum, consules anni U. c. 557, XLI anni integri intersunt. Nihilo tamen minus jure Cicero hoc loco dedit XI., nam ex ratione Attii Cornelius et Minucius consules fuerunt anno quadragesimo primo post eum annum, quo Livium Romae fabulam docuisse Cicero dicit, itaque Ennius, ipse post primam Romae editam fabulam anno natus, ex Attii ratione illis consulibus gessit aetatis annum quadragesimum. Et quo loco Attius vitium commiserit, non difficile est inventio. Constat enim ex fastis Consularibus, Q. Fabium Maximum expugnasse Tarentum anno U. c. 545, non ut Attius scripsisse putandus est, anno U. c. 544, et C. Cornelium Cethegum cum Q. Minucio Rufo egisse consulatum anno U. c. 557 non 555, qui annus ex Attii calculo invenitur. Hinc nescio, quomodo Osannus p. 43 dicere potuerit, ex Attii ratione Livium priuanam fabulam edidisse anno U. c. 556. Non enim anno U. c. 545, quo Tarentum a Fabio captum esse inter omnes constat, undecim illos annos adnumerare debemus, sed anno U. c. 544, quem capti Tarenti annum ab Attio indicatum esse, ex Ciceronis verbis apparet.

37) In libris est CCCCX, sed scribendum est haud dubie DX. Cf. Osannum p. 50. De numero hoc minus accurate indicato cf. Osannum p. 50. De verbis „qui fuit major natu, quam Plautus et Naevius“ ad Livium, non cum Davisio ad Ennium referendis, recte jam monerunt Vossius de historicis iustinis p. 7. et Sagittarius in lib. I. p. 3. Cf. etiam hac de re Osannum p. 43.

consulibus, anno ante natum Ennium: qui fuit maior natu, quam Plautus et Naevius.³⁸⁾ et de sen. XIV, 50, ubi Cato sic loquitur: „Vidi etiam senem Livium, qui cum sex annis (38) ante, quam ego natus sum, fabulam docuisse, Centone Tuditanoque consulibus, usque ad adolescentiam meam processit aetate.“ Adde Gellii testimonium, quod legitur in noct. Att. XVII, 21, 42 seq. Aunis deinde postea paulo pluribus quam viginti, cum Poenis pace facta, consulibus Claudio Centone, Appii Caeci filio et M. Sempronio Tuditano primus omnium L. Livius poëta fabulas docere Romae coepit, post Sophoclis et Euripidis mortem annis plus fere centum et sexaginta, post Menandri annis circiter quinquaginta duobus.³⁹⁾ Consentiant cum Ciceronis indicio fasti consulares, qui Clandii et Sempronii consulatum incidere in annum U. c. 514 ostendunt. Simul afferre juvat alia Ciceronis, quamquam non de Livio ipso, tamen cum illis de primae fabulae actae anno arctissime conjuncta testimonia, quae si bene inter se conspirare cognitum fuerit, efficient, ut majorem etiam Ciceroni omni hac in re fidem tribuamus. Ex Ciceronis Cat. maj. V, 14 et ex Bruto XX, 78 liquet, mortuum esse Ennium septuaginta (40) annos natum

38) In libris est annos pro annis, de quo cf. Osannum p. 40. not. 1. et A. G. Gerhardum ad Cic. Cat. maj. VI, 16. Porro nonnulli libri exhibent septem pro vulgato sex, neque id turbat rationem. Efficitur enim vel sic annus primae fabulae actae 514. p. U. c., si modo memineris, Romanos in designandis temporis intervallis interdum et terminum, a quo et terminum, ad quem profiriscantur, rationi inferre. Osannus p. 50 reponendum censet in hoc Ciceronis loco „septem“, ita tamen, ut inde efficiatur annus U. c. 513, si anno U. c. 520 natum esse Catoneum constat.

39) De hoc Gellii testimonio conferas Osannum p. 47. seq. et Dünzterum in lib. I. p. 6. not. 11.

40) Hieronymus quidem p. 145 ad Olymp. CLIII, 1. di-

Q. **Marcio** **Philippo** iterum et **Cn.** **Servilio** **Cae-**
pione **consulibus**, i. e. **testantibus** **fastis** **consulari-**
bus **anno** **U. c.** 585. Ergo natus est **Eunius** **anno**
U. c. 515, et prima **Livii** fabula acta anno **U. c.**
514. Porro natus est **Cato** (**Cic.** de sen. **IV**, 10.)
anno **ante** **primum** **Q.** **Fabii** **Maximi** **consulatum** et
(**Cic.** de sen. **XIV**, 50,) **sex annis** **post** **primam**
fabulam **a** **Livio** **editam**. Atqui constat ex **fastis**
consularibus, **primum** **consulatum** **egisse** **Q.** **Fabi-**
um **Maximum** **una** **cum** **M.** **Pomponio** **Mathone** **an-**
no **U. c.** 521; ergo prima **Livii** fabula acta est anno
U. c. 514, sive a. Chr. n. 240.

Contra haec certissima **Ciceronis** et **Gellii** te-
stimonia pugnant scriptores veteres, **quorum** **multo**
minor **his** **in** **rebus** **est** **auctoritas**. **Attii** **quantus**
fuerit **error**, et **quomodo** **refutetur**, **post** **ea**, **quae**
Cicero **optime** **ea** **de** **re** **disseruit** **I. l.**, et **quae**
Osannus **p.** 43—45 **explicuit**, **nou** **opus** **est** **pluri-**
bus **demonstrare**. **Livius** **historiarum** **scriptor VII**,
2. **certum** **primae** **tabulae** **actae** **annum** **omnino**
non **indicat**, et **miror**, **hoc** **in** **loco** **offendisse** **Köp-**
kiuum **lib.** **I.** **Tom.** **I.** **p.** **XLIX**, et **Osannum**, **qui**
p. 48, **sic** **scribit**: „**Nostro** **vero** **cum** **calculo**, **qua**
ratione **locus** **Livii** 7, 2, **ubi** **Andronicus** **aliquot**
annis **post** **C.** **Sulpieii** **Petici** et **C.** **Licinii** **Stolo-**
nis **consulatum** (**anno** **U. c.** 390) **primam** **docuisse**
fabulam **fertur**, **conciliari** **queat**, **nondum** **exputavi**.
Quum **enim** **inter** **illorum** et **Centonis** **Tuditaniique**
consulatus **anni** **plus** **quam** **centum** **interjaceant**,

cit: „**Eunius** **poeta** **septuagenario** **major** **articulati** **morbis** **per-**
ire⁹, **sed** **non** **nimir** **hoc** **est** **argendum**, **ut** **ab** **Osanno** **p.** 49.
factum **esse** **video**. **Saepissime** **enim** **Hieronymus** **habitar** **in**
annorum **numeris** **referendis**, **neque** **hoc** **loco** **aperti** **eroris**
argendum **est**. **Quin** **septuagenario** **major** **Eunius** **vocari** **po-**
terat, **si** **vel** **pauca** **mensibus** **annum** **actatis** **septagesimum**
superavit.

aliquot annis post ab Andronico primam fabulam editam esse, Livium historiarum scriptorem dicere potuisse veri simile vix videtur.“ (41) At minime Livius dicit, Andronicum aliquot annis post C. Sulpicii et C. Licinii consulatum primam fabulam egisse, sed cum mentionem faciat ludorum scenicorum, his consulibus per ludiones ex Etruria accitos primum editorum, quibus deorum ira, ex duorum annorum continua peste cognita, placaretur, data occasione simul narrat, quomodo initia haec rudia temporis decursu exculta fuerint, denique haec subjungit: „Accepta itaque res saepiusque usurpando excitata, vernaculis artificibus, quia hister Tusco verbo ludio vocabatur, nomen histrionibus inditum: qui non, sicut ante, Fescennino versu similem incompositum temere ac rudem alternis jaciebant; sed impletas modis saturas, descripto jam ad tibicinem cantu, motuque congruenti peragabant. Livius post aliquot annos, qui ab saturis ausus est primus argumento fabulam serere“ — etc. Nimirum jungendum est illud de Livio cum proxime antecedentibus, non cum iis, quae sunt in capitib. initio. Non magis hic Titi Livii locus laborat ab alia quavis parte, ut Osannus in anal. crit. p. 49. censem, cui falso Livius C. Sulpicio Petico C. Licinium Stolonem in consulatu collegam tribuisse videtur, cum aliis scriptores, a quorum partibus etiam fasti Romani stent, Licinium Calvum Petici collegam fuisse anno illo, exhibeant. Erat enim C. Licinio cognomen Calvi

(41) Bothius quoque, cum in veterum scriptorum de *Livia* testimonitis lib. I. p. 3. hocce Livii testimonium sic assertat: „*Livius post aliquot (imo 123) annos* (ab institutis Romae ludis scenicis a. U. c. 391. a Chr. n. 361) *qui ab saturis* etc., non bene ea interposuit, quae in parenthesi leguntur.

et agnomen Stolonis, ita ut eundem virum Livius histor. VII, 2. appellat C. Licinum Stolonem, omisso cognomine, et paulo post (VII, 9.) C. Licinum Calvum, non addito agnomine, cum ejusdem Sulpicij Petici iterum consulis Licinius iterum collega esset anno U. c. 393. (42) Sed pergamus in retellendis iis, qui non consentiunt cum Cicerone in anno primae fabulae editae constituendo. Et facile quidem intelligi potest, Cassiodorum falli in Chron. Tom. I. p. 357. col. 1. ed. Garet. Cum enim scribit: „C. Mamilio et Q. Valerio. His consulibus ludis Romanis primum tragœdia et comoedia a L. Livio ad scenam data.“ nulla ejus vel ideo apud nos est auctoritas, quia: qua de re minime ambigitur, in ea vitium commisit. Nam Centone Tuditanoque consulibus primam actam esse fabulam, omnes veteres scriptores consensu testantur. Restat Hieronymi testimonium, qui in Eusebii Chron. p. 144. Livium narrat Olymp. CXLIX, 1- floruisse, vel, quod idem est, anno U. c. 570, quo anno teste Cicerone (in Bruto XV, 60) mortuus est Plautus. Hujus errorem, quem pinguior sit quam vel Attii lapsus, non est, quod pluribus refellamus. (43)

Sed ne recentioribus quidem temporibus non fuerunt, qui prorsus falsa proferrent. Sic Dujatius ad Livium hist. VII, 2 Andronicum dicit ad Lucilianarum satirarum indolem tragœdias suas composuisse. (44) Alii, ut Ciceronis et Attii rationes quadammodo conjungerent, primam fabulam actam esse suspicabantur Sempronio Tuditano, Cornelio

42) Cf. fastos consulares ex recensione Almelovenii.

43) De gravissimo hoc Hieronymi errore cf. Osann. in anal. crit. p. 41 et 45.

44) Cf. Drackenborchium ad Livii l. 1. et Osannum in anal. crit. p. 45 s. fin.

Cethego consulibus, i. e. anno U. c. 550, (45) non ut Osannus p. 46, scribit, anno U. c. 546. Nunc autem viri docti nisi in annos U. c. 512, 513 et 514 non discedunt. Anno 512 primam fabulam editam esse Köpkius putat lib. I. p. XLIX et L; et Funcium, qui in tractatu de adolesc. ling. lat. p. 59, annum 513 exhibet, secutus est Osannus, (46) huic rei investigandae tertium caput analectorum suorum impendens, qua quidem in commentatione tam quae probanda, quam quae minus vera mihi videbantur, breviter jam quasi praeteriens, ubi res ferebat, indieavi. Ipsa autem Osanni sententia nittitur sola (47) Wetzelli auctoritate, qui in not. ad Cie. Cat. maj. V. ei visus est evicisse, natum fuisse Ennium C. Mamilio et Valerio coss. anno U. c. 514 (cf. Osann. anal. crit. p. 49.) Hinc p. 50 sine ullius libri auctoritate jubet legi in Cie. Brut. XVIII, 72: „Atque hic Livius, qui primus fabulam C. Claudio Caeci filio et M. Tuditanu consulibus docuit, anno ipso antequam natus est Ennius, post Romanam conditam autem tertio decimo et quingentesimo, ut hic ait, quem nos sequimur.

45) Conveniunt in hunc annum fasti consulares et Cic. Brut. XV. 60: „At hic Cethagus consul enim P. Tuditanus fuit bello Punico secundo. Quaestorique his consulibus M. Cato, modo plane annis CXL ante me consulens.“ Et fuit Cicero consul anno U. c. 691. Ceterum de iis, qui hanc sententiam amplexi sunt cf. Osann. p. 46.

46) Cum hoc faciunt Casp. Jac. Christ. Beuvensius in collectaneis literaris ed. Lugduni Batavor. 1815. p. 26. seq. Langius in lib. I. p. 20. Weichertus in lib. I. p. 48. denique Dünzterus in lib. I. p. 5. not. 11. Cf. etiam Osannum in recens. libri a Dünztero editi p. 958 et 962.

47) Nam Gellius XVII, 21, quem ejusdem rei testem laudat, solus consules Mamilium et Valerium nominat, non addito hujus consularis anno. Cf. not. 43. At minime id hoc loco queritur, quibus consulibus, sed potius quo anno natus fuerit Ennius; de consulibus enim dubitari non licet.

mur“, cum in omnibus libris legatur summa constantia: „quarto decimo et quingentesimo.“ (48) Sed minime probanda est haec emendatio. Omnis enim illa annorum discrepantia inde orta esse videatur, quod non satis constat annus Romae conditae, ita ut uni anno a. Chr. n. ducentesimo quadragesimo respondeant anni p. U. c. tres: 512, 513 et 514, prouti aut aeram alterutram sive Catonis sive Varronis aut eos sequimur, qui haec quoque in re servandam esse censem auream mediocritatem. Et Cicerio quidem, ut omnibus in aulis constitutis, ita hoc etiam loco secutus est Varronis, amicissimi sui, rationem, et natum esse Enium dixit anno U. c. 515, quem eundem annum a. Chr. n. Wetzlius etiam in mente habuisse videtur, licet anno U. c. 514 natum fuisse Enium docuerit. Itaque inde, quod Osannus, qui semper Varronianam aeram secutus est, sua cum ratione conjunxit calculum Wetzeli, qui anno 753 a. Chr. n. Romam conditam esse statuere videtur, falsus efficitur primae tabulae actae annus ab U. c. 513, falsum dico omnibus iis, qui Varronis rationem sequuntur, quippe quibus annus hic respondeat anno a. Chr. n. 241. At consules fuerunt Cento et

48) Dünzterus in lib. I. p. 5. not. II. sine dubio legendum putat decimo et quingentesimo, quia Atticus, quem Cicero secutus sit, quatuor annos a Varronianis, tres ab ea ratione, quam in fastis Capitoliniis inveniamus, recedat, et hanc conjecturam lectione Juntinæ et Cratandrinæ editionis „quadringentesimo decimo“ quacum Lambiniæ, quæ CCCCX exhibeat, convenient, quam maxime adjuvari dicit. Nihil tamen minus plurimorum librorum lectionem retinuerim; agitur enim hic de demonstrando et removendo vitio, quod Atticus in ratiocinatione commiserat, ita ut in anno constituendo diligentissimus Cicero putandus sit fuisse, et quomodo annus U. c. 514 bene congruat cum aliis Ciceronis testimoniosis, supra jam vidimus.

Tuditanus anno a. Chr. n. 240, ut ex fastis consularibus apparet. Nostris temporibus, quum inter doctos viros convenerit, probabiliorem esse Varonis calculum, fere docet, Livium primam fabulam egisse anno U. c. 514, neque soli, qui ab Osanno p. 46. afferuntur, viri docti hac in re consentiunt, sed alii complures, quorum nomina locosque hic adscribere longum est. Videamus potius, cuiusnam generis fuerit prima illa fabula, qua de re Osannus in eodem analectorum capite tertio p. 50—52 ita disserit, ut Livium comoediam prius quam tragediam egisse praecepiat. (49) Sed minime ei assentior dicenti p. 51, inde, quod ante aetatem Livianam Romani delectati fuerint carminibus joco et hilaritate refertis convivalibus et Atellanis, colligi posse, „comoediam prius, quam Romanorum animi ad delicias tragediae fruendas accommodati essent, agendum fuisse, ut etiam ex tragediarum actionibus voluptatem capere paulatim addiscerent.“ Haec enim causa nulla est, veluti tragediis deletari non possit, nisi qui ante comoedias jam spectavit. At veterum testimonia adjecit Osannus; advocavit Diomedem II p. 486. ed. Putsch., Rabbanum Maurum de arte grammatis, II, p. 46. b. Tom. I. ed. ej. Op. Colon. Agrip. 1626, scholiastam Crisquii ad Horat. Epist. II, 1, 69. et Cassiodori Chronicon Tom. I. p. 357. ed. Garet., et hanc suam sententiam iterum confirmat in recens. lib. a Düntz. ed. p. 963. Id ipsum maxime miror, nam grammatici illi, solo excepto Cassiodoro, locis allatis non agunt de fabula prima, quae olim Romae edita sit, sed in universum de primo latinarum comoediarum poëta. Diomedes I. 4. disserens de tribus, quae fuerint apud Graecos,

(49) Cf. G. E. Müllerum in lib. I. p. 216. Is comoediam anno U. c. 514 a Livo actam esse, tamquam rem certam ponit, sed argumentum ne unum quidem assert.

comoediae aetatis, haec habet: „Tertia aetas fait Menandri et Philemonis, qui omnem acerbitatem comoediae mitigaverunt, atque multiplicia argumenta Graecis auctoribus seculi sunt. Ab his Romanis fabulas transtulerunt, et constat apud illos primo latino sermone comoediam Livium Andronicum scripsisse;“ et eadem fere sententiam verbis modo aliis expresserunt Habanus Maurus et scholiastes Cruquii ll. II., Cassiodorus autem I. I. C. Mamilio et Q. Valerio consilibus primum tragediam et comoediam ad scenam datam esse dicit; unde si quid tribuere volumus huic testimonio, sane probabile sit, primam a Livio Romae editam fabulam fuisse tragediam potius, quam comoediam, quod etiam placuit Jacobso in Additam. ad Sulzeri Theor. L. A. Tom. I. p. 6. aliisque. Sed praestat, cum Langio (in lib. I. p. 21. not.) Baehrio (in hist. literar. Roman. p. 42) et Dünztero (in lib. I. p. 9. seq.) rem incertam atque dubiam relinquere, quum praesertim bene iam Revensius in lib. I. sect. II. §. 1. annotaverit, veteres scriptores, ut Ciceronem Titumque Livium et Gelium „refugere quasi omnes vel tragediae vel comoediae nomen proprium“ videri, ob inscientiam opinor; dixisset enim unus vel alter, si cognitores fuisset, quae sane digna erat, quam et ipsi illi cognoscerent, et posteris traducerent.

Reliquum est, ut verbo dicamus de prima fabula, quorum cura atque praesidio, et quibus festis acta esse videatur. Osannus praetorem Urbis primam fabulam edendam curasse probabiliter demonstrat p. 56. seq. contra Planckium, qui in libro de Eunii Medea (edito Gottingae 1807.) p. 60, aedilium curulium cura et tutela **Livium Andronicum** fabulas suas docuisse, annotat. Nam teste Livio hist **XXIV**, 43 Iudi scenici ab aedilibus curulibus primum anno U. c. 541. facti sunt, **Q. Fabio Maximo** et **Tib. Sempronio Gracchbo**

cess.; ante hoc tempus cura haec praetori tradita erat, eique post annum L. c. 541 etiam mansit, quonies aediles turnes easu quodam vel officio graviore, quominus iudis celebrandis interessent, prohibebantur.

Quibus festis acta sit prima fabula, certius evinci posse videtur, quam Osannus putavit, licet ea de re duo in promptu sint veterum scriptorum testimonia sibi repugnantia, alterum Attii in loco illo, quem ex Ciceronis Bruto supra allatum fuisse examinavimus, alterum Cassiodori in Chron. Tom. I, p. 357, quorum hic iudis Romanis primam editam esse fabulam tradit, ille idem refert de iudis Juventatis. (50) Osannus quidem in anal. crit. p. 57—59, causam nullam afferens, Attii narrationem veram esse suspicatur, et quamquam ipse opinionem hanc non ita probatam sibi esse dicit, ut, si quis Cassiodori testimonium praeferat, ei magnopere repugnet, tamen inventus, qui nimis credulam ipsi praebevit aurem, Bothium. (51) Nam teste Livio hist. XXXVI. 36 aedem Juventatis vovit M. Livius Salinator consul proelio Senensi, commisso anno a. Chr. n. 207, (52) post primam Romae editam fabulam tricesimo tertio, eamque aedem denum sexdecim annis post (i. e. anno a. Chr. n. 191.) C. Licinius Lucullus duumvir in circu maximo dedicavit (53) cum iudis, quos postea fa-

50) Funcius in lib. I p. 61. not. a. in Ciceronis I. I. habet: „iudis Iuctatiis, quos Salinator“ etc., sed vera lectio sine dubio est „iudis Juventatis.“

51) Cf. ejus lib. I., ubi in veterum scriptorum de Livio postea testimonii p. 2. Cassiodori narrationem falsam esse dicit.

52) Hoc de certamine, quo Basdrubalem exercitumque ejus occidit Salinator, cf. Liv. hist. XXVII, 46 — 49.

53) Quamquam idem M. Liv. Salinator, qui consul voverat, tribus iam annis post censor templum illud faciendum

ctos esse anniversarios, testis est Cicero in ep. ad Attic. I, 18. Hinc cum Langio (in lib. I, p. 22, not. 39.) et Dünztero (in lib. I, p. 6, seq.) Cassiodorum auctorem sequamur, et Andronicum fabulam suam docuisse credamus Iudis Romanis, quos a pridie Nonas ad pridie Idus Septembres in honorem Jovis, Junonis et Minervae quotannis celebratos esse, satis notum est. Et libenter Osannus etiam veterem illam opinionem suam deserens, hanc virorum doctorum sententiam comprobavit in recens. lib. a Dünz. ed. p. 962. fin.

Livium fabularum suarum ipsum auctorem etiam fuisse constat, (54) et ab initio quidem solus totas eas agebat; postea, ubi saepius a populo revocatus vocem obtulerat, veniampueri, qui ad tibicinis modos carmina cantaret, secum ducendi impetravit, quo melius ipse gestus agere posset. Narrat haec Livius hist. VII, 2: „Livius post aliquot annos, qui ab salutis ausus est primus argumento fabulam serere, (idem scilicet, id quod omnes tum erant, suorum carminum actor) dicitur, quum saepius revocatus vocem obtulisset, venia petita puerum ad canendum ante tibicinem quum statuisset, canticum egisse aliquanto magis vigenti motu, quia nihil vor-

locaverat anno a. Chr. n. 204. M. Cornelio Cethego P. Sempronio Tuditano coss.

54} Cf. Evanthii dissertationem de tragœdia et comoedia, quæ inventur in Zenii Terentio, ed. Lips. 1774. Ibid pag. XXIX, haec leguntur: „Latinae fabulae prius a Livio Andronico scriptæ sunt, adeo ut ad has res etiam tum recentes idem et poëta et actor fabularum suarum fuisse“ Eundem locum Osannus p. 2 ita afferit: „Latinae fabulae primo a Livio Andronico scriptæ sunt ad cunctas res, cum etiam tum recentius idem et poëta et actor fabularum suarum fuisse.“ et pro „scriptæ sunt ad cunctas res“ Evanthium voluisse suspicatur „scriptæ sunt ad cantores.“ Sed longe optima videtur lectio illa, quam exhibuit Zeninius l. l.

cis usus impediebat. inde ad manu cantari histrionibus coeptum, diverbiaque tantum ipsorum vocis relicta.“ et iisdem sere verbis Valerius Maximus II, 4: „Paulatim deinde ludicra ars ad satirarum modos perrepigit; a quibus primus omnium poëta Livius ad fabularum argumenta spectantium oculos et animos transtulit. Isque sui operis actor, quem saepius a populo revocatus vocem obtutisset, adhibito pueri et tibicinis concentu, gestulationem tacitus peregit.“ De utroque hoc loco copiose disputavit Schöllius in opere inscripto: „Histoire abrégée de la littérature Romaine à Paris 1815. Tom. I. p. 108—114.“ Is postquam varias de explicando Livii loco duorum Francogallorum sententias attulit, Duclosio, alteri eorum assentitur, et ita rem explicat p. 113: „On peut, ce nous semble, prendre les diverbia pour les paroles en général, quelles soient chantées ou simplement déclamées, en opposition de la partie de la pièce qui formant l'intermède, était nécessairement chantée, mais en même temps accompagnée de danse.“ et paulo post: „Les intermèdes remplacoient dans les comédies latines le chœur des Grecs qui y manquoit. (55) Livius Andronicus, dont on aimoit à voir la danse, aura obtenu la permission de ne plus chanter, pour n'être pas gêné dans ses mouemens, et cette dispense, qui était un véritable perfectionnement de l'art, aura passé à ses successeurs.“ Sed non usque quaque probata mihi est haec explicatio; nam diver-

(55) In comoediis choro usos esse poëtas Romanos, quin novae comoediae graecæ auctores imitati sint, probable non videtur; contra in tragœdiis latinis chororum nonnunquam invenimus. Cf. Langium in lib. I. p. 48. seq. An vero Livius jam chorum habuerit in tragœdiis suis, certo evinci vix potest. Cf. Dünz. in lib. I. p. 7.

bis sunt, ut inter omnes constat, quaecunque duo vel plures inter se colloquuntur actores, canticum vero appellatur, quidquid solus quis ad tibiis adstantis sonos pronuntiat. Jam si Andronici fabulas ex T. Livii loco cognoscimus populo admodum placuisse, ita ut repetere eas vel totas vel ex parte saepius cogeretur, admodum probabile est, tandem ei exhaustum esse spiritum ad verba bene pronuntianda, quippe qui sere senex ad primam Romae fabulam docendam accesserit; itaque puer ei dabatur, qui, dum ipse gesticulationem tacitus et aliquanto magis vigenti motu peragebat, carmina recitaret, (56) quod ad manum cantare appellabatur. Utrum vero haec gesticulatio solarium manuum fuerit, an pedum etiam totiusque corporis ad modum saltationis, id ab hoc loco alienum est diligentius inquirere. Dūntzero in lib. I. p. 8. tota haec T. Livii et Valerii Maximi narratio nihil nisi fabula esse videtur ad originem illius moris ad manum cantandi, quem Romani sine dubio a Graecia mutuati sunt, explicandum inventa. Pergit I. l. ita: „Neque optime hanc fabulam invenerunt, quum ea hoc quidem intelligamus, cur Livius, qui primas in iis, quas docuit, fabulis partes obtinuit, hac via usus sit, minime autem, cor ceteri quoque histriones eam sibi sumpserint, et,

56) Cicero de leg. II, 15, 39. modos Livianos et Naevianos laudat ob jucundam, quae iis fuerit, severitatem, et quum modi ab alio quodam facti et Livii fabulis inserti vix appellari possint Liviani, ipsum Livium carminum suorum modos etiam fecisse crediderim. Caeterum perfectionis jam et magis excultae artis esse puto, si non ipsi poetas carminum suorum modos condunt, sed ab aliis artis musicis peritioribus faciendo eos curant, quod quidem apud Romanos factum esse, sed, ut videtur, demum tempore posteriore, testimoni est Cicero de orat. III, 26, 102. Cf. etiam Dūntzerum in lib. I. p. 8.

quomodo factum sit, ut id, quod populus egregio histrioni concesserat, p̄st̄ea moris locum obtinuerit.“ At bene eum resellit Osannus in recensione p. 963, advocans Hermannum de cantico in Rom. fabulis scenicis p. XII. Mam revera nihil, quod credi non possit, inest in narratione illa de moris hujas origine, et sine dubio certa causa opus erat, qua usus hic, ipsi actionis naturae plane repugnans, Romanis commendaretur. At facile intelligitur, quomodo res semel usurpata moris loco habita sit, quum prae-sertim eo histrionibus actio multum levaretur, simulque ars mimica melius posset excoli.

De externo theatri, quo Livius usus fuerit, apparatu optime Dūntzerus in lib I. p. 8. seq; disputavit contra Signorellum et Grysarium, quorum hic (57) eum fabulas suas docuisse suspicatus erat in theatro exstructo cum sedilibus, omnique eo apparatu, quem postea in theatris mansuris invenimus, ille (58) ad fabulas agendas eum usum esse dixerat portiu templi Mineravae; uteisque perperam; nam usque ad Pompejum omnia theatra Romae nonnisi ad ludorum tempus exstruebantur, quin etiam antiquissimis temporibus, qui sedere volebant, ipsi subsellia sibi apportabant. Signorellius autem loco Festi in v. scribas p. 491. Dauer. deceptus esse videtur, unde tamen hoc tantum discimus, licetisse scribis et histrionibus in templo Mineruae consistere ac dona ponere in honorem Livii.

Quo anno vita excesserit Andronicus, nescimus, et in tanta rerum obscuritate gratum est vel leve

(57) In dissertatione doctissima ephemeridibus scholasticis (Allgm. Schulzeitung) anni 1832 inserta p. 334.

(58) In libro inscripto: Storia critica de' teatri antichi et moderni. Tom. II. p. 19.

illud Ciceronis indicium, qui (de sen. XIV, 50.) Catonem sic facit loquentem: „Vidi etiam senem Livium: qui cum sex annis ante, quam ego natus sum, fabulam docuisse, Centone Tuditanoque consulibus, usque ad adolescentiam meam processit aetate.“ Quo cum iudicio fere conciliari posse videtur alterum hoc Livii hist. XXVII, 37., unde cognoscere licet, anno a. Chr. n. 207, C. Claudio Nerone, M. Livio Salinatore iterum eoss., Andronicum adhuc vixisse. (59) Hoc enim anno ad prodigium foedum ac turpe expiadum pontifices decreverunt, ut fer novence virgines, per Urbem euntes carmen cantarent; idque ab Andronico conditum esse, T. Livius I. I. narrat. (60) Erat autem tum Cato, agens annum vicesimum septimum, in ipso aetatis flore.

59) Itaque Andronicus ad summam senectutem pervenit, et annum aetatis octogesimum multo superasse videtur. Osannus in anal. crit. p. 28. adolescentias tempus apud Romanos trigesimum usque ad annum obtinuisse ponens, ex illo Ciceronis loco Livium non superasse annum U. c. 540 suspicatur, qua de re cf. Dünzterum in lib. I. p. 17.; Müllerus vero (in lib. I. p. 224 et 239.) mortuum esse Livium Andronicum anno U. c. 534, inde probabilitate colligi posse putat, quod ab hoc anno incepiter Catonis adolescentia.

60) Sunt, qui censeant (et inter eos Dunlop, Hist. of Rom. Litt. I. p. 63.) licet anno a. Chr. n. 207 virgines decantaverint carmen, a Livio factum, tamen non esse necessarium, inde conjicere, ipso hoc anno conditum etiam id carmen esse, quod fortasse jam diu ante Livium composuerit. At Festus in v. scribas p. 491. Dacer. disvte dicit, Livium Andronicum scripsisse carmen, quod a virginibus sit cantatum, bello Punico secundo, gesto per septendecim annos inde ab anno a. Chr. n. 218; et juvat conferre T. Livium hist. XXXI, 12, ubi haec leguntur: „Carmen sicut patrum memoria Livius, ita tum condidit P. Licinius Tegula.“ Hinc recte Regel (in lib. I. p. 36. not. 16.) Dünzterus (in lib. I. p. 16) et Osannus (in recens. lib. a Dünz. ed. p. 965) statuere vindentur, eodem anno, quo decantatum fuerit, factum etiam id carmen esse ab Andronico.

Post hunc nostrum Andronicum alii ejusdem nominis viri Romae extitisse feruntur. Sic M. Pompilium Andronicum, natione Syrum, grammaticam Romae docuisse, Suetonius refert in libro de illustribus grammaticis cap. 8, et poëtam quoque Andronicum Iuliani Caesaris temporibus vixisse Ammianus Marcellinus seribit. —
